

新會鄉土志輯稿例言

- (一) 本稿遵用 部奏原議定名爲新會鄉土志輯稿
- (二) 本稿遵用 部頒例目其例目以外之事未暇詳及
- (三) 本稿與新會縣志體裁不同與創撰新會鄉土課本及鄉土課本之參考書亦異本稿之責任在搜集鄉土資料備 學部編書局編輯新會鄉土課本及參考書之採用乃屬調查之範圍非屬撰著之範圍也
- (四) 本稿既是鄉土輯稿並非鄉土課本故於原有之縣志及其他地志方志之關於新會事誤者得爲訂正之缺者得爲補足之徒以編輯者成書期促未能爲充分之考據亦未能爲充分之調查而以此爲鄉土課本採用之資料則大略已具矣

(五) 例目第一篇爲歷史而其子目實則沿革也本稿爲課本起見於沿革每條下並爲低格案語附入沿革上有興味之事蹟多條以備編書者查考

(六) 新會漢時屬番禺非屬四會新會城隋及唐初爲岡州治至唐開元後岡州廢新會縣治始由益允遷於此而新會城之名以起此皆新會沿革最重要之節目也前此省志縣志均未詳考故編爲訂正補足之言論頗繁然輯稿之體裁甯詳無畧也

(七) 政績以下至實業爲同事黎君璧浚所輯錄間有增改本稿既是輯稿與著書不同故前後文例容有參差之處

(八) 地理由錄與同事林君燦余同輯山脈至商務則林君自輯而錄間有增改

(九) 政績者舊兩篇由正續縣志摘鈔者十之八其縣志以後諸條由錄與黎君分任調查增入其文則黎君爲之兵事由黎君摘採縣志之前事篇貫串組織裁爲紀事本末

(十) 地理之分目遵用 部頒例目爲之其古蹟一類據羣書重新編輯多爲縣志古蹟篇所未有者

(十一) 山脈水道縣志所載散漫未有統紀水道尤甚今以大水大山爲幹合散爲整以備編書者採用並據水道提綱定縣西之大水爲潭江前此縣志所未有也至何方距何水若干里山內有何水源由林君遵用 部頒例目調查補足

(十二) 道路縣志僅有驛站今多廢不用本稿則據現在道路之交通最多者言之

(十三) 物產並詳性情功用皆縣志所未言其物名用本境通常所稱者別名古名隨筆分注於下

(十四) 商務無從得詳確之統計今由 縣尊蔡公向江門常關洋關查得出入大宗之數並參以調查員趙心堯所查江門商業情形著其匡畧以完例目之一部分

總編輯員譚鑑謹識

新會城圖附說

新會城隋開皇為岡州治唐開元以後為新會縣治以迄元初未有城郭

縣治自唐開元二十三年始由益允遷於今之新會城乃據太平寰宇記考出

前此省志府志縣志所未言也詳見本志歷史篇

元季主簿徐聞可曾築土城旋被土賊黃斌攻陷城廢知縣遷治潮居明興捕斬黃斌知

縣遷復舊治今縣治之衙署壇廟大抵皆洪武初年知縣吳拳修築之遺也洪武二十四年都指揮王臻再築土城外

環以池今舊南門外小濠即其遺跡洪武三十年千戶宋斌改土城為甌石城周六百六十丈

讀史方輿紀要言城

縣治之有舊城自此始景泰元年黃蕭養之亂城外居民走避入城城小不足容納多叛從賊

城外民房悉被賊燒毀天順六年廣西猺入寇城外再遭焚掠知縣陶魯鑒於前事之失敗於成化十年添築子城以

壕設為之萬歷元年兵備僉事何子明改用甌石其周圍之數於舊城北面所占丈尺外增廣九百六十丈縣治之有

新城自此始萬歷三十五年知縣王命璿又於舊城北面增高三尺舊城高一丈九尺新城高二丈八尺厚一丈廣東州

縣各城廣州潮州之外以新會城為最峻廣矣明初新會形勢與今不同恩甯開鶴四縣尚未分立紳富多遷居縣治

內外自陳白沙時縣治居民已有饒裕之名為寇賊所窺伺

見縣志陳獻章子城記

其地當西猺東來孔道屏蔽省會阨門又

為防倭之重要海口非有完固城邑不足以備應援而資保護 本朝順治十一年李定國圍新會城半年城中糧盡

至於食人終能延保殘喘以待援軍是則縣城完固之效也自明季大征羅旁猺禍絕止上賊之亂亦因而未滅 本

朝通商事起生民之憂患不在兵防而在商戰縣城河道淤淺交通不便商業無可擴張開浚河道又未有良善辦法

生齒日繁居宅稠迫衣食之計供不勝求地方前途之希望不能無待於鐵路之通過城北與城鄉內外農工兩業之

進步改良矣 江佛鐵路將來向西展築至陽高雷瓊其路經會新會

舊城西北跨西山東跨馬山東西南北為門四水門三日西水關北水關東南關新城東接馬山西跨象山為大門三

東曰賓升西曰寶成南曰鎮海便門四東曰泗水南曰知政西曰庇民又西曰惠民水門三東曰騎虎關南曰清化關

西曰五顯關小水門二西曰隆興關南曰小富涌關城濠東起大悅溪西至沿溪口長一千八百五十六丈河面原濶

新會鄉土志

粵東編譯公司承印

五丈河底濶三丈歷年被民房侵佔今則淺狹已甚城內之河二道一由清化關至五顯關長三百五十六丈一由北關至東南關濶隆興關之水出騎虎關共長四百七十五丈城內街凡一百三十三城外街一百二十居民未經實行編審無從知其確數傳聞咸豐四年以匪亂調查城內居民數約五萬城外居民數約八萬云

新會山脈水源圖附說

諦觀此圖新會縣境與開平全境新甯半境與鶴山之大半恩平之小半此五縣地者有皂幕山東行南行之兩大山脈包裹其西北南之三面東南阻海惟東北江門一口為出入交通之所必經故五縣之郵電路航四大政攢集於江門以趨省會如網之有綱如衣之有領昔人論新會形勢所謂包絡新開天然自為一都會也潭江西起恩平之君子山東合西江匯為銀洲湖以出崖門灌注全境之中央遞迤三百餘里為五縣眾流之總幹其地自南朝宋迄明中葉或自為一縣北宋至明或自為一州隋唐為或自為一郡南朝為或改屬於一州一郡隋唐屬廣州時新會為新會縣分部容有差殊而統部則必趨於一詳見歷今新會自明以來分析六七廳縣詳見歷會甯仍屬廣府而開鶴乃改隸肇慶縣府之交涉山路既不便交通水陸又中隔新會是不啻肇府超越新會而有開鶴也乾隆二年廣東巡撫楊永斌以防捕呼應遲緩奏請改新會為府治領新會新甯鶴山開平恩平五縣為部議所駁光緒十四年總督張之洞再提前議部駁如前故政府之說至今未能施行此亦政治地理之一缺事矣

又案潭江以僻在一隅地志水經並未著錄故由漢而來未有統括之舊名縣志所記隨地異稱如入縣後為青鵬潭魚頭海幾失其為大河流之價值 本朝齊召南水道提綱始為敘述源流道里列於粵江之一且定名曰潭江潭江者原為此江至新會西界由北來會之小水名齊乃移為大水名此亦如揚子江之統括長江珠江之統括西江主名山川固有此例不得議其譌誤也以潭江為全江主名自齊召南創起董方立乃據齊說以注地圖湖北繪地圖潭江猶為小水之名日本人繪我國地圖又皆沿董方立之舊而潭江之主名遂一定而不可復易矣同治廣州府志引此言明時土又案明典彙云新甯新會新興恩平之間皆高山叢箐奸惡亡命輒竄入諸寨中吏不得捕見顧炎武天下西與羅賊之猖獗由有獠族為之窩聚而為厲之階者則皂幕山也皂幕自明時為廣東獠山之一旁相連羅旁又與廣西相連明時土賊勾通西獠為地方害劫財擄女歲無甯日皆皂幕山脈綿亘廣大為之此又山脈與政治地理之特別關係

新會鄉土志

粵東編譯公司承印

歷史

此篇據各史地理志及各地志為之資料雖探古書而文句務適今義考索聯綴自為組織既不能照錄原文亦未便分注出典其省志府志縣志相沿失實之說概屏不錄或辨正之著其例於此

新會初置縣之時代

新會地自南朝宋永初元年始置新會郡 宋書州郡志作晉元熙二年然是年四月後即為宋永初十年始廢新會郡立新會縣 元年故 大清一統志從宋志所引廣州記以屬永初 至隋開皇

新會未置縣以前既置縣以後之統屬沿革

新會縣境自周以前為百越地亦謂之陸梁地秦為南海郡地漢初為南越國地漢武帝滅南越為交州南海郡地 鑿案新會地漢時未有置縣其為何縣屬地隋以前書無明文唐李吉甫元和郡縣志以為漢四會縣地宋歐陽志 輿地廣記以為漢番禺縣地二說相較歐陽為近省志府志縣志皆從李說者由未知四會與新會之中間有番禺 高要兩縣為之隔絕也新會地理見於漢以前書者惟西江南入海一事西江古稱浪水亦曰鬱水漢書地理志鬱 水東至四會入海此以西江分流入海處為四會水經浪水又東至高要為大水又東至南海番禺縣西分為二其 一南入於海此又以西江分流入海處為番禺非四會也此說以合漢志而誤失水經之本旨疑 北朝魏人嘗南朝齊梁其時高要已改屬南海新會又自立為郡西江南流所經無四會地名蓋漢時四 有宋志可證陳澧詳柯江考云郡道元北人言南方兩廣諸水多不合此亦其不合之一事蓋漢時四 會南境抵西江北岸漢志就北岸言故曰東至四會入海 西江過古四會境後即港派分歧潮水上設江海 水經就南岸故曰東至番禺入海形勢當如左圖西江分流入海處為番禺西境既有水經為證其西境之盡處至 西江分流處而止抑逾江而西尚未可知姑以西江分流處為界循是而西至高要峽口不過四十里而漢時高要 地過峽口而東與番禺相連其證又有四事水經注引交廣春秋言吳孫權時步騭殺漢蒼梧太守吳巨合兵下取 南海蒼梧人衡殺錢博以吳巨部伍與軍逆臨於蒼梧高要峽口與之交戰高要為蒼梧郡治在高要峽西而峽東 有蒼梧人為蒼梧太守部伍又於此與軍此可知漢時高要東境逾峽口而東其證一今高要東境附近西江分流

漢四會縣與新會地中隔番禺高要圖



新會鄉土志

粵東編譯公司承印

處有典水一名蒼梧水見讀史方輿紀要此以郡名為水名與高明之宋隆水四會之綏建水同例高要由漢至晉屬蒼梧南朝宋以後其統部即非蒼梧此水名蒼梧當以吳晉前地屬蒼梧得名此水北入西江處距西江分流處水經所謂番禺西境者不過十里而已可知漢時高要東境與番禺西境相連其證二南朝宋改四會為綏建郡而高要於南朝宋時改屬南海不屬綏建可知未改屬以前高要東境原連番禺並無四會地為之間阻其證三漢高要南部唐時為平輿縣見通輿州那篇而平輿所屬之清泰廢縣今為高明之清泰都其地東抵西江之西岸是漢時高要南部之東境亦與番禺相連其證四高要番禺既連境居四會與新會之中間四會又安能超越此兩縣而有新會耶新會初置郡時東半部由南海分出昔書宋書均有明文而漢南海郡所領縣惟番禺四會與新會相近新會非屬四會則必屬番禺故曰歐陽說為近惟晉書宋書言分南海郡立新會不言分番禺立新會又疑古時地廣人稀以地域分郡以民居置縣郡界分明縣界不盡分明漢時新會本有置縣其為何縣屬地亦無明文原因殆在此故本志用廣州府志所言新會沿革例但舉郡系而縣屬闕疑並為辨證如右以糾正省志縣志從李說之謬

又案元和郡縣志既以新會為漢四會地又以義甯為漢番禺地更不可通番禺縣在新會地東而義甯地又在新會地西詳見後文若如李說義甯既東屬番禺則新會必無北屬四會之理是李說已自相矛盾其不盡可據亦明矣新會初置郡時其西北部雜有漢蒼梧郡地與漢合浦郡之臨允縣地今已析置開平鶴山新甯恩平四縣其蒼梧郡地與臨允縣地當不在今新會境內王縣志以今新會皆漢臨允縣地劉德恒四會縣志又以新會建安十八年復禹貢九州改屬荊州三國吳分交州置廣州於今新會西境置平夷縣屬廣州南海郡晉興改平夷為新夷讀史方輿紀要新夷屬縣在縣西四十五里新會地之有置縣自此始晉時又於新夷縣東增置益允縣屬南海郡又於新夷縣西增置封平縣屬新甯郡益允廢縣在新會縣治北二十里封平廢縣在今開平縣東南見大清一統志新甯郡今新甯南朝宋永初元年分南海新甯兩郡置新會郡領益允封平新夷三縣以益允為郡治新會地之以新會為名自此始

新會鄉土志

粵東編譯公司承印


新會未置縣以前既置縣以後之統屬沿革表

漢 吳 晉 南朝宋

此四縣晉以前為南海郡地

宋書州郡志新會郡分南海立又引廣州記云分新甯立以所領縣考之兩說必兼用乃備

此四縣晉以前為新甯郡地



臨允廢縣在今新興縣南境與新會郡領縣之義甯接近分新甯立新會必由臨允分出阮通志以由新會析置之開平縣為漢臨允縣地其說良允

案封平不在今新會境內而與今新會之統屬沿革有關非兼言之則其事不完後文兼言義甯亦同此例

又案吳置平夷縣以討平夷族為名疑新會地自吳時尚為夷族所居否則漢夷雜處至吳置縣而漢族始占優勢也平夷晉改新夷在縣西四十五里當為今河村附近距皂幕山不遠皂幕至明時猶為廣東瑤山之一

見天下平夷之夷族殆即皂幕之瑤族歟南朝宋以新夷益允界歸化民立封樂縣其歸化民亦必瑤族之向化者又

後漢族之勢力漸大瑤族乃退處於皂幕之一隅故至明時皂幕猶為瑤山

又案益允命名無意義疑為百越語遺傳古名與番禺博羅同例新會各地名之起原當以此為最古矣

又案宋樂史太平寰宇記封水在信安縣東六十里信安即義甯所改宋時義甯遷東溪為今開平古州墟

是而東六十里適為新會西境封平封樂疑即以此水得名其當今何水則無可考

晉書謝安傳鄉人有罷中宿者還詣安安問歸資答曰有蒲葵扇五萬時新會尚未置郡而郡境東南部所產之蒲

葵扇已由中宿而輸入江左

中宿今此為新會土產輸出之最古歷史

此舉林縣志中略論未載而為物產沿革之一大節且故補繫於此其他

一二皆同此例

元嘉九年於益允東北割南海新甯新會三郡界上新民增置宋元等五縣

五縣宋元新熙永昌始成招集也宋元廢縣在縣東北見諸史方輿紀要

四縣無可考然既與宋元同在三

元嘉二十七年又於封平附近增置義甯始康初賓二縣同屬新會郡南朝宋領縣十二齊梁陳因之除封平義甯始

康初賓四縣今已割歸開平

四縣縣皆在今開平其餘八縣之大部分皆在今新會境內

案宋元五縣以有新民而始置縣則未置縣以前其地必未有居民吳晉時新會東北境之荒涼於此可見宋書州

郡志宋熙郡以交州流寓立後改宋隆即今高明南朝時與新會郡東北之宋元五縣毗連宋元五縣之新民疑與

宋熙郡之交州流寓有關

新會鄉土志

粵東編譯公司承印

又案南朝新會郡境所至無明文可考然南宋時沿有郡境全部之新會縣北枕皂幕南迄淇海西起恩平之得行都東包香山之古鎮黃梁其地域甚為寥闊而合以廢縣所在之方向道里除今小岡天臺廢縣遺蹟未知是否為十二縣之一外

詳見後文其十一縣皆團聚於郡境之北半部其原因有三宋書州郡志新會郡領縣十二戶九千七百三十九口一萬五百九當指漢族及瑤族之歸化者言是每縣分配不足一千口也地廣人稀未及徧居南半部

之無置縣其原因一據最新之調查東自荷塘外海東南禮樂睦洲西南黃涌瀧水口及潭江經行一帶往往有蠔殼發見上人謂之殼龍

上人謂地脈為龍言地殼發見上人謂之殼龍下據殼之多有知地脈占時皆為大海

蠔非鹹水不生因殼而知有蠔因蠔而知有鹹水因鹹水而知為大海今

縣城河南附近尚有蟠步大圓洲瞭岩村等遺傳古名可知城南古時即為海濱吳宋時既海深浪闊舟楫之制未

精水道不便交通漢族由陸而來自宜先山原而後海渚南半部之無置縣其原因二南半部之古兜百峯大山重

巒疊嶂綿互數百里至今不榛未盡啓闢諺所謂斬不盡古兜柴也山麓附近吳宋時必為豐草長林蛇獸之所窟

穴即有夷獠未受王化漢族初來勢力未能遠及南半部之無置縣其原因三是可於置縣所在而得漢族初居新

會先後之踪跡

元嘉十三年魏滅北燕北燕主馮宏奔高麗遺其子業以三百人浮海歸宋因留於新會自業至融三世為守牧以

他鄉羈旅號令不行見隋書譙國夫人冼氏傳此為漢族遷居新會見於史傳之最古者縣志言馮融慕在縣境西

南那船運之古冢嶺蓋馮族之初遷新會亦是傍山原而居者

隋開皇十年廢新會郡併益允永昌新建熙潭化召懷集六縣為一縣

新建以下四縣即宋元新熙始成招集陳開所改名新會縣即用改稱九州領新會義甯封平封樂四縣隨又改稱岡州岡州之州治在今新會城

後文別封州九州之州治當是

同地封州以封水得名九州以領縣之新會治益允得名岡州以依山為州得名大業初廢岡州併封樂於新會併封

平於義甯於是南朝宋新會郡之領縣十二省為二縣改屬廣州南海郡

音變遷而成故益 明李定國攻圍新會時擬於杜阮造作宮殿可知其地有足為南朝郡治隋唐縣治之形勢
 允可通稱爲統沈 貞元末再廢岡州後不復置新會仍屬廣州其大統部則同為嶺南道南漢改廣州為興王府新會義甯沿舊分屬宋
 屬廣南東路廣州南海郡開寶五年廢義甯入新會其時之新會縣包有南朝新會郡隋唐岡州之全境名為縣而實
 則州郡蓋縣境至是為最廣矣開寶後義甯再置再廢熙甯時廢入新興南宋建炎初再廢入新會 義甯再廢入新會史志無明文
 茲據黎蘇城詩定為 元沿宋舊新會屬江西行中書省海北海廣東道廣州路明屬廣東廣州府 本朝因之自唐以
 廢入新會詳見後文 來新會之位置沿革唐為中縣宋元為下縣 本朝為繁廢惟其縣治元以前未有城今舊城為明洪武時千戶宋城
 所築今新城為明萬曆時兵備僉事何子明所築

杜佑通典新會有桂山山出翡翠孔雀元猿通典作於唐貞元時杜佑為廣州刺史自言其治下之山川物產當必
 不謬時新會已由益允遷於今新會城而附郭之鎮山圭峯猶有珍禽野獸於此產出則其他山林之未盡啓闢可
 知 註山即圭峯見前文 又元和郡縣志新會縣南一百七十里有利山產沈香木利山當即今之占兜山又唐宋時新會產
 鹽縣志已詳

明永樂時縣人黎貞送韓公入觀詩云堂堂新會邑僻在東南隅山川固奇勝土地尤膏腴岡州自隋建沿革異代
 殊義甯與天臺二邑元始除境內過千里四民樂其居

明成化時縣人陳獻章子城記云吾邑故饒裕雖當剽掠之餘亡者僅一
 據右方南文可知新會至明初已有富庶景象蓋自南宋以來合義甯於新會縣境增廓西江潭江兩河流附近入
 海之處淤積成田者日多土廣人稀田宅易求衣食足給漢族以避金元兵亂次第南下度宗咸淳九年胡妃逃匿
 事起由南雄珠璣里沿北江轉入西江南來者大率皆分布於西江下游之兩岸而新會適當其衝民族遂由此繁
 殖地利與人事相備富力容易發達富士民聚居城邑依仗官弁圖免寇賊而寇賊益從而生心半化時期法治
 未備官廳對於人民保護之能力薄弱故漫藏毒盜遂為禍福倚伏之數所不能逃西徠東倭土賊之來句引結合

新會鄉土志

粵東編譯公司承印

劫財擄女災禍相尋其中惟成化宏治間陶三廣戰勝守禦陳白沙風流道學可稱全盛時期其他未能稱是南宋
 以前事跡茫昧有如蓬古由宋亡以迄明亡大抵皆亂離慘殺之歷史也其事具載本志兵事篇

又案本境小岡梁族村莊有衙前倉邊等名在天臺山下明時名天臺村黃通志以為義甯廢縣所在然與讀史方
 輿紀要所言義甯在縣西北之說不合天臺在縣治西南二十餘里義甯自隋時併小縣為大縣即與新會分領郡
 境東西對峙為兩大縣宋時又曾改合新興必無近在天臺二三十里內之理黎林坡詩云義甯與天臺二邑元始
 除天臺非義甯此為確證黎固博雅所言必不謬誤縣志金石篇宋天臺縣陳崑山墓銘言陳來任天臺令天臺自
 為縣名與黎詩同墓銘作於明隆慶時計其所述世次陳為天臺令當在宋末距元廢縣時固未久耳豈天臺置縣
 未久即廢所以史不及載歟然新會自南宋初合義甯為一大縣義甯遠而天臺近遠者可合而近者反分殊不可
 解姑存其說以待再考

又案宋史地理志言義甯南渡後無而不言省入何縣證以黎詩言天臺義甯為新會境內地則可知廢入新會
 道光 香山縣志以為
 廢入新興無確證

縣城西半里有古城門上人謂之西關口縣志未言其所由來疑為元末土城遺址城用土而門必用甃故城廢
 而門在元上城與今舊城同地殆以城西有民居故西界展築至此歟此門附近大雲山下明初有寺前街最為繁
 榮今則蔓草荒原上泥中時有瓦礫發露而已因思宜民橋明初統稱深涌胡拱辰深涌橋記所謂一溪曼衍葦葦
 鬱如者也今則介於大新街塞竇口之間為縣城市場繁盛之中心點故宮禾黍滄海桑田城邊路今人犁田昔時
 墓岸上沙昔時江水今人家沿革所存令人起俯仰無窮之感慨

南宋至 本朝新會又由一縣而分為多縣今新會四鄰之新置縣得有新會分出之地者統計有六縣一廳為條舉
 如左

一 香山縣宋紹興二十二年以東莞香山鎮改置割南海番禺新會瀨海地益之今香山金斗灣沿海迤西盡古鎮黃

新會一縣分爲多縣表

唐 宋 南宋元 明 本朝

廣州南海郡

廣州南海郡

廣州府

廣州府

元爲廣州路無南海郡

順德縣地

赤溪廳

香山縣地

新甯縣

新甯縣

岡州——新會縣

新會縣

新會縣

恩平縣地

開平縣地

肇慶府

肇慶府

恩平縣地

陽江州

梁都原爲新會地 林縣志但言割地而其地名不能詳言今據香山縣志補之

二 順德明景泰三十年以南海大良堡改置割新會地益之今順德白藤堡原爲新會地

三 恩平明成化十四年分陽江新興新會地置屬肇慶府光緒三十二年改屬陽江州今恩平常德鄉德行都原爲新會地

四 新甯明宏治十年分新會五十六圖置同治六年又分新甯之潮居都置赤溪廳今新甯赤溪全境原爲新會地

五 開平順治六年分恩平新興新會地置屬肇慶府今開平平康得行登名古博四都原爲新會地

六 鶴山雍正十年分新會開平地置屬肇慶府今鶴山遵名新化古勞三都原爲新會地

由南朝宋至南宋新會既由多縣而合爲一縣由南宋至 本朝新會又由一縣而分爲多縣直省州縣之分合繳繞未有如新會者林縣志又多缺誤故爲依據羣書聯綴而順理之考訂言論淺見所及隨筆分繫此新會統屬沿革歷史之大畧也

南宋之末新會歷史上重要之事有二其一國事的歷史元滅宋於厓山是也其一民事的歷史度宗咸淳九年民族以胡妃事由南雄南徙布居縣境是也據最新之調查本境民族之始遷多數與此事有關今街巷談話咸淳年三字成爲名詞爲最古遠之意義與地球人類言上古必稱洪水同例而南雄珠璣里爲先代起源之地男婦咸知幾同於人類初生之帕米爾高原亦可知本境民族由南雄遷徙而來者之占多數矣厓山亡國事宋史縣志完具展卷可知而咸淳民族遷徙事宋史縣志無一字道及故 爲考沈鈞逸查取蓮邊里麥氏族譜所載當時遷徙事蹟補所未備 此事惟麥氏譜獨詳他族譜所無 並引宋史賈似道傳胡妃被擄事爲胡妃逃匿事之證據付與同事黎君編入本志氏族篇俾後之言民族者得有所考焉凡民族之富力與文化最有關係地球言文化必以河流粵省言文化當以海垣古世言文化必以中原禮俗現世言文化當以瀕海交通此兩事者皆新會所有而南雄所無今南雄民族遷居新會者文化富力駕留居南雄者之上皆新會海垣交通之地理之爲之而當夫胡妃事起聞風驚逃諸民族

之始遷祖宗實則皆昔時流民圖中之一分子也多難興國懷安敗名塞翁失馬安知非福生計困難人滿為患咸

此條言民族遷徙為鄉土歷史沿革之一大節目應繫於前文西關口事之後以寫時漏去為補載於此

又明季大征羅旁搖為漢搖競爭一大節目雖非新會事而與新會之治亂最有關係為補記於此明時新會土賊

詳本志

之禍視他縣為慘酷

以有羅旁搖族逼近西境為之窩匿串通也德慶州志記其事云羅旁即今羅定州

兵事篇

萬山聯絡搖族盤踞其中劫掠旁近州縣多集四方亡命為患已久萬歷四年總督凌雲翼奏請大征調兩廣兵十

萬分十部並進破巢五百六十四擒斬一萬六千一百餘級降四百九十三人遂平羅旁升灑水縣為羅定州

州

搖族從此離新會界漸遠故新會搖禍自明正統時起

據陶魯勇

至萬歷時止實受凌雲翼大征羅旁之賜揚

雄所謂一勞而久逸者也土賊以無搖之援勢力亦減故

本朝雍正而後雖間有土賊萌作不至如明時之猖獗

此亦言新會沿革所宜注意者

此亦言新會沿革所宜注意者

政績

新會於 大清一統志屬繁疲難通縣錢糧額徵銀三萬兩有奇米八千三百五十餘石在廣州諸縣中與南番東香順同稱六大轄境寥闊經迭次析隸他縣土地之廣人民之殷猶甲於全省故縮銅符奉院檄者視新會為洞天福地然縣境倚山襟海窟穴阻深姦宄易藏士氣散渙民情浮囂月卯投牒數百紙其尤桀黠者每能持吏短長以相禁制有司既視事又往往歎難治肇慶府志引語云入廣莫逢二會謂新會四會以其民情之健訟好勝也一二為守兼優幹濟素裕者或冀有所展布矣顧邑以腴缺聞上官借以調劑賢勞例歲餘即受代去以是號稱職卒鮮談政績者以此為憾焉查縣志所紀蒞茲土者去思之碑與人之誦以明代為多國朝康熙前次之名宦之祠相接也咸豐以降濼縣陳侯外未有聞焉意者古之有司樂與紳耆相接上下情通類有民不能諉之富乎至於今官府體制尊崇望如紫宸天上閭閻疾苦官無由知鈴閣教條民不盡解山海遐陬且有以終身不見吏役為幸者矣隔閡若此亦烏有政績之可言哉雖然百里之政若者聽訟若者興利若者除弊千條萬緒肆應為艱今日舉行新政為學務為警察為工藝為商場內事之紛外交之棘蝟集一人之身即有趙廣漢之鈞距兼施劉穆之之觀聽並用亦安能勝任愉快耶欲不出於敷衍粉飾其可得哉圖地方之進步不能無待於新官制之實行與地方自治局之成立矣

陶節夫字子禮鄱陽人晉大司馬侃之後也第進士起家為廣州錄事參軍楊元寇暴山谷間捕繫獄屢越逸且不承為盜既累年節夫詰以數語元即吐服將適市與諸囚訣曰陶公長者雖死無憾知新會縣時盜未息民少耕桑之業節夫乃勸農興學盡心經營於是盜賊屏息俗化禮讓廣守章重其材及帥涇原辟之入府宋史有傳曾逢龍寧都人開慶初進士咸淳末為新會知縣見國事日非以忠義自許為政有循良風景炎元年六月元呂師夔遣其將黃世雄寇廣州經畧使徐直諒遣郡人李性道領兵拒之性道降於世雄秋九月東莞人熊飛與逢龍相繼起兵飛遂復韶州逢龍亦率兵至廣州世雄遁性道迎謁逢龍擒而誅之時端宗在閩聞其功降勅嘉獎擢韶州通判未

新會鄉土志

粵東編譯公司承印

幾師夔復入寇連韶諸州皆降冬十一月壬戌朔廣州帥趙潛遣逢龍就熊飛禦元兵於南雄力戰不敵乃正衣冠縊而死贈龍圖閣學士贛郡開國公飛敗至韶州亦戰死

吳季黃州府新水縣人洪武二年知新會縣臨民浚政優於有為縣經元末土寇黃斌破陷百度荒廢季盡心撫綏凡縣治學校壇祠坊巷皆其修葺治尚平易民愛而懷五年卒於官民無老幼奔走哀弔葬邑北黃雲山寺後民間傳拳為本邑城隍神結社歲祭其墓至今猶然

陶魯字自強鬱林州人父成官浙江按察副使禦賊死節魯以景泰五年蔭為新會丞是時廣西猺賊流劫高廣惠肇諸府破城殺吏無虛月香山順德間土賊蠶起新會無賴子弟羣聚應之魯召父老語曰賊氣吞吾城不早備且陷若輩能率子弟捍賊乎皆曰諾乃築堡特繕甲兵練技勇以孤城捍賊衝建郭據濠賊來犯輒擊破之又多設方畧明間謀一方有警各路邀擊每戰身先士卒前後禽斬無算兵威大振旋奉都御史馬昂檄統義勇兵征勦白水鐵爐坑等賊賊聞陶家兵至即求為良民撫降那西等賊四千五百餘名邑賴以安天順七年秩滿巡撫葉盛上其功就遷知縣尋進同知仍知新會縣事成化二年從總督韓雍征大藤峽雍在軍嚴重獨於魯未嘗不虛已用其策輒有功雍請擢魯為僉事專治新會陽江陽春新興諸縣兵其冬會參將王瑛破劇賊廖婆保等於欽化二州嶺南嘉勞明年偕參將夏鑑破黃公漢等於思恩潯州未幾賊陷石康執知縣羅紳復偕鑑追至六菊山破之兩廣自韓雍去罷總督不設帥臣觀望相推委盜滋蔓魯奏請重臣仍開府梧州遂為永制秩滿進副使兵部尚書余子俊奏其勞績資銀帛魯治兵久賊剽兩粵大者會剿小者專征所向奏捷賊讐之劫其鬱林故居焚誥命燬先塋戮其族黨魯聞大慟詔徙籍廣東慰勞有加遂為新會人二十年以征荔浦猺功增俸一級又九載進湖廣按察使治兵兩廣如故去治四年平德慶猺進湖廣右布政使魯身居兩廣而官以湖廣為名於事體非便乃改湖廣左布政兼廣東按察副使領嶺西道事人稱為三廣公十一年總督鄧廷瓚請官其子俾統魯所部備征討乃授其子荆民錦衣百戶是年魯卒荆民進副千戶世襲魯善撫士卒謀定後戰鑿池公署後為亭其中不置橋夜召部下計事以板度一人語畢令退如是凡數人乃擇

此為試讀，需要完整版請訪問：www.cttonghui.com

其長而參伍用之故常得勝算而謀不洩羽書狎至戎裝宿戒審賊可乘潛帥出城中夜合圍曉輒奏凱賊雖善值終不能得其要領歷官四十五年不離兵事大小百十戰斬賊二萬一千有奇奪還被擄及撫安復業者十二萬七千有奇廣人倚如長城每平賊率置縣建學以興教化初為丞時才弱冠知縣王重勉之學重故老儒魯遂請執弟子禮每晨授經史講解而後視事後重率官魯執喪如父禮且資其二子又敬禮名儒陳獻章獻章亦重之嘉靖初魯歿已三十載矣新會人思其德頌於朝賜祠祀之春秋官為致祭迄今不替

明史有傳

丁積字彥誠寧都人成化十四年進士授新會知縣至即帥事邑人陳獻章政事必咨焉為政以風化為本而主於愛民中貴梁芳邑人也其弟長橫於鄉責民逋過倍復訴於積積追券焚之且收捕紫獄由是權豪屏迹新會故以富饒稱民習於蓄積申洪武禮制參以朱子家禮手定規條為四禮儀式一書擇者老誨導之良家子墮業者聚廡下日使誦小學書親為解說風俗大變常為民辨冤忤當道繫獄衆惶懼欲為營解積手書示之曰心苟無愧禍福非所圖也汝輩第安之勿重令之不德事竟白先是民出錢輸官供役名均平錢其後吏貪復令甲首出錢供用曰當月錢貧者至鬻子女積一切杜絕白沙樂歲詩長官願似丁明府甲首終年不到衙蓋實錄也俗信巫鬼為痛毀淫祠既而歲大旱築壇圭峰頂祈雨听夕伏壇下者八日雨大澍而積遂得疾以卒士民聚哭於塗有一嫗夜哭極哀問之曰來歲當甲首丁公死吾無以聊生矣民為立祠於城內北門街與前令吳公拳合祀焉

明史有傳

明史稿有傳又見明儒學案

新會鄉土志

粵東編譯公司承印

林會春字景仁福建惠安人隆慶四年由舉人知新會縣性剛毅智畧過人發摘如神時倭陷廣海衛突入厓門厓山全節廟大忠祠污毀殆盡一方騷動願倭嗜漢物勾通姦民市易或謂課其物稅可以佐縣官急宜援澳門例毋輕動會春正色曰澳已誤其可再乎乃乘城葺備累石樹柵捍之仍戒居民各自為守檄之出境倭聞引去先是縣民許永湯惟教黃恩寵等夙與倭通掠販良氏子女無慮千指常挾刃雄行里閭莫敢誰何會春悉置於法恩寵兩子並據於藩司為賊耳目會春以狀聞並收之民大悅復行鄉約嚴保甲設捕兵禁聚賭兩臺交薦以治行第一賜宴禮部尋擢戶部主事時外城傾圮未加修築瀕行猶規畫後令因而城之邑民建祠城外大圓洲街與後令曾公熙丙合祀焉

伍睿字用思全州人隆慶五年由進士授新會知縣興學校恤民隱弭盜破姦人以事至一見即能記其姓名與所言事歷久不忘以故人不致欺邑外城天順六年為前知縣陶魯創築以牡礪為垣歲久漸圯正德十一年知縣徐乾修復至是又廢時山寇海倭充斥睿謂不築外城何以保障乃集鄉官陳吾德黃淳等分戶任工審形勢均力役上之兵道何子明刻期建築以磚石民不擾而事集上官籍其贏金無以應竟緣此罷去民思之為祠於象山

袁奎字文卿豐城人萬歷八年由進士令新會時年甚少至則執簡御繁不事更張而政平訟理會詔度民田奎親履間酌其盈縮差為三品不求羨以累民不虧額以損國民利賴之嘗新白沙碧玉樓楚雲臺厓山時享必親往秩滿去民思之建祠於東門外河邊祀奎及後令陳基虞王命璿名三賢祠後累官順天府尹

陳基虞字志華同安人由進士授南雄府推官萬歷二十八年新會令鈕應魁以附瑞虐民激變邑人洵洵兩院特檄基虞撫安之及至痛民倒懸多方撫卹時方增重餉急催科基虞悉心調劑為民請命民賴以安數月代去百姓臥轍攀轅扶老攜幼擁不可行百十年來所未有也邑人祀之三賢祠

王命璿字君衡龍巖州人萬歷甲辰進士三十三年知新會縣治尚拊循寬徭均賦刑清政簡為士民所親愛在任五年百廢具舉修邑乘建凌雲塔於能山見龍化龍橋於學宮側幹旋地運多士蔚起以治最召既去民懷之奉祀三賢祠尋擢御史巡按廣東行部至邑老幼歡迎憶車至不得行乃進父老道舊故如家人父子為留十日始去仕終刑部

尙書 明史
有傳

卞應聘字蓮生丹徒人崇禎五年以進士知新會縣性廉正飭僚屬戢胥隸禁游博風教肅然人莫敢干以私訟至立決兩造咸服一切贖緩苛罰悉爲罷去未嘗染一錢瀝口賊屢出剽掠開誠撫之四境獲安海寇劉香犯城親督兵逆擊寇不敢入語詳兵事篇一夕夢城隍神揖己請代己寤告家人曰吾其死矣方升堂決事遽卒百姓爲之罷市因立祠左歲時致祭焉

鍾器富川人嘉靖四十二年由歲貢任新會主簿時近縣山賊交亂八月入劫沙頭破西郭僂居民署縣推官李有年養兵自衛不令禦賊當道聞之亟命推官周標代焉標復委諸知縣杜某杜某懦無能賊益猖獗遂由西而東流劫都會江門諸鄉民兵氣餒不敢擊器忿甚單騎抵賊陣曰寧殺我毋戕吾民賊稍懼引避之當道以其能命典巡捕即請招廣西狼兵躬率訓練分守要害賊勢少沮城野安謐復率狼兵搗賊穴賊平未幾病卒百姓哭之罷市

林潭字世榮莆田人嘉靖初由舉人典教新會純心篤行內和外剛一介不輕取予教人以孝弟忠信爲本諄諄啓迪雖大寒暑不倦闡明經學多前人所未發士之貧者每資助之邑俗尙鬼神好祈禱潭審覈祠廟不人祀典者斥毀之教成行尊士風翕然嘗三典文衡俱以得人稱督學歐陽鐸褒爲博士第一尋遷南雄府教授程鄉知縣所至有聲人皆俎豆之

劉象震字轅星江南霍邱人順治七年由歲貢知新會縣單騎赴任初釋奠見啓聖祠毀圮亟新之方春給牛種於四鄉以勸耕作時大兵剿新化石碑都諸寇難民數百來歸鳩形鵠面聚泣縣門象震加意撫卹俾得其所陳涌盜陳德貫踞鄉作亂請兵禽滅之癸巳歲饑行糜粥食民婦孺不能至城者計日給米多所存活設學延師以教秀民立局擇醫以濟貧病十一年春擢西安府同知已辦裝阻西寇犯城遂留協力守禦八月圍解乃去仕至泉州知府

龍之繩公安人康熙三年舉人知新會縣時再勸海界人民流散之繩方入境一見惻然值邊界未築餘禾棲畝即詳請聽民刈獲窮黎稍蘇比視事却餽賂革耗羨惟務休息有所告諭皆至誠惻怛嘗謂訟者曰吾與汝等生長干戈幸

新會鄉土志

粵東編譯公司承印

存生命百念俱當灰冷何心復競強弱耶民感之往往懷膝歸偶以催科答一里甲退即榜門自責人皆感泣先是經歷李兆豐攝縣篆與都司耿光濟惡民間夜臥不安至是始出湯火甫三月以疾去百姓送之哭失聲云

顧嗣協字迂客長洲人康熙四十六年由歲貢生授新會令誓神而後入境邑嶺山帶海號難治嗣協因俗成化薄賦輕徭清夙弊革濫征民安其簡有訟者不羈候即日集鞠之至誠披示民以不欺振興文教作仰止堂於三賢祠左集邑人士詩酒唱和輯玉臺新刻岡州遺稿以存邑中文獻明儒陳獻章祠在白沙久頽落特新之又鑄其集前官所虧倉庫代任之上官知其清貧有援助者仍歸取家資以償久之乃舉四十九年七月卒於官後人即仰止堂肖像祀焉初官衙辦事有需於民多強賒尅扣名曰值月當班嗣協至力革之並列陋規十二款詳請上官示禁令勒石猶在祠內

王植植隸深澤人乾隆元年以進士知新會縣治事周密臨民慈愛凡判事悉當情理仁人之言見者動容故訟日息嘗自修邑志督浚邑城內河尤力經年乃竣復浚外河甫興工適調署香山接任汪宗禮周懷濟繼其役於是內外舟行利便皆植有以先之也先是植幼時家貧父爲工匠新會舉人戴大成爲深澤令履植父葺衙署時將縣試因問匠而有子讀書乎曰有問年幾何曰十七歲矣能來應考乎曰貧無以爲試資也戴曰必使來吾給以卷及試閱植文曰翰苑才也竟以冠軍游庠又爲延師教之資以膏火未幾成進士謁選得令新會而戴適解組歸里甫下車詣戴拜謁時饋薪米旨延主書院講席戴病卒躬齊衰送葬每歲祭輒卽位哭喪葬之費皆其措辦時人稱門生孝子云

張甄陶字希周閩縣人總角時卽潛心經義有國士之目乾隆元年閩撫盧倬以博學鴻辭薦廷試報罷十年成進士自編修改知縣十五年署香山縣能以文學飾吏治十六年改授新會甫到任作祭城隍文自警甚嚴迎二親就養甄陶匍伏道旁俟輿過而後步從歸署邑民嘖嘖稱孝催科票簽尤慎必開誠布諭民無差擾咸樂輸將體素弱嘗扶病治獄父慮其性急令手着金釧以當佩章每訊囚決杖偶撫手釧輒從容再鞠顏遽和霽民莫測也重文教建書院設學規撥田以給膏火購書以資課讀月課親臨與諸生講藝諄諄如父兄又於城西築養濟院以居瞽者至今賴之

袁名器湖南興寧人乾隆三十年由舉人知新會縣勤於民事不立放告期有訟者至立為剖決日不給繼之以燭時疽發背猶租一臂聽斷僅四閱月舊案悉清折獄平恕訟者無怨詞有自知理曲請受責者名器婉諭免之嘗大風雨獄垣傾塌囚犯皆素沐其惠無逃者解任日民懇切攀留哭聲載道署崖州牧以望誤解職道經新會行李蕭然邑老稚爭饋錢粟為集資捐復數日金足有監生鍾某懷六金詣舟獻問其故曰公昔職某案生理屈公以直道折之而哀矜形於色區區之金以酬昔日之惠爾將解維民爭持棹櫓不得行名器以簡書期促謝之乃去後任海安聞新會歲饑循飭米商運糶民賴以蘇至今謳思不置

沈寶善字石樓福建詔安人嘉慶十二年十二月由舉人署縣事性寬仁服食樸素能操土音與民款語情意藹然惟嚴於治差役凡奉公事出者必度鄉之遐邇硃判工食於牒十三年將去任紳士籲留未得命會海賊張保犯境寶善口佩雙劍乘竹舫奔視村堡規度形勢令民設礮壘木柵以禦之嘗至厓門幾為賊獲十四年二月賊屢乘潮入沿澗逞而去江門外海諸鄉保障尤力外海人尸祝之四月百齡督兩廣紳士復上書請留遂復任至是益釐積弊強扶弱仁聲遠播生平事母孝母歸閩既行即茹素默禱平安母家書至乃已十六年九月解任民章皇如失怙恃自邑城至江門外海天河士民香酒送者絡繹有泣下者寶善亦泣然揮涕皆為飲少許至醉不能步云

林星章字古畚福建閩縣人以進士官廣東石城令道光丙申調新會甫下車即以興利除害修廢舉墜諸實政虛衷咨訪尤以戢暴弭訟為要務修城垣濬濠河工費鉅萬皆率先與邑人士次第舉辦邑俗多因命案株連誣控星章廉其實均立白之無枉縱請張之風遂戢在任五年政通人和新會自前明成化中知縣丁積延楚人李承箕編纂邑志歷本朝乾隆辛酉五經修輯至是印本流傳漸稀星章謀之邑人捐資重修延南海曾釗香山黃培芳與邑士分任其事書成百年來文獻賴以不湮去任夾道焚香送者遠出縣境旋於城南賢洲街林曾二侯祠添設木主祀之後任言良鈺為文勒石記其事

新會鄉土志

粵東編譯公司承印

言良鈺字寶侯江蘇常熟恩貢道光十九年攝新會縣事兩月乃前尹林星章病假時也二十年林以病去良鈺復來代時省垣有夷警承檄防堵親履視四境捐廉增設巡船七艘分布要害申請大憲著為例由是舟楫來往鮮盜患匪魁張阿初武生陳河清糾黨多人聯盟紙扇會肆劫城鄉良鈺擒至輸實皆撲殺之一縣帖然政暇喜與邑人士論文賦詩於城東三賢祠河岸關松谿精舍觴詠其中採邑人詩集選刻續岡州遺稿八卷以繼顧前令嗣協岡州遺稿之後去任謳思不衰即松谿精舍奉其主祀焉

陳應聘字覺民山東濰縣人道光乙酉拔貢癸巳進士初知四川新都縣值猥夷寇境檄赴峩邊營辦理轉餉軍事無悞旋調岳池以憂去職服闋選授廣東曲江縣道光二十八年題調新會咸豐二年六月到任四年紅匪肇亂賊何六已破東莞省城戒嚴新會營參將奉檄抽帶本營弁兵援省匪警日急城守單弱人無固志六月應聘飭邑紳開設岡州公局籌兵餉屢議未有要領乃自捐俸五千金為倡勉諭紳富輸助守具粗備七月初八日土匪陳松年呂萃晉等遂踞江門進圍縣城應聘督紳弁乘城悉力防守小大數十戰至八月省兵赴援賊敗遁城得不陷語詳兵事篇方事之殷也應聘麻鞋竹舫視賊勢急處親督兵勇奔走策應秋霖彌日亦冒雨登城晝夜不輟每遇危險必親冒矢石不稍避圍城兩月未嘗安枕倦極隱几暫寐聞角聲即驚起走視有勸其少休者歎曰我何能為願兵勇為我勞苦義不敢獨安耳聞者悅服故多得人死力賊平邑人為建生祠東門外勒應聘小像於石堂宇間敝花木幽蓬為一邑之冠後官至韶州府

彭君毅字詒孫江蘇陽湖人同治七年九月以庶常散館來署縣事九年十月受代去十一年五月再署旋奉文准補前後五任新會莅事逾十年近時罕有其比性廉正接見紳民約束吏胥皆以至誠相示與人語煦煦然惟恐傷其意人亦自不忍欺屢校邑試獎拔單寒所取多知名士為民興利除害無所疑畏即忤上官意終力持之不得請不已也咸豐末邑俗偷靡喜賭好鬪每歲正月城坊開燈市陳百戲尤易叢姦故事十二月封印差役承符者皆繳銷官則別出一牒預署明年開印後月日擇健役畀之倚以禁詰暴猾月終復命即罷惟事目既廣主差藉為姦利牒當出羣隸

攬承不得則賄求之名曰充大票既簽牒遂不復收屆封印始繳換至光緒初年充票且至萬金承差分設大票館於江門水口各墟場恣作威福官知之亦不過問歷政相沿視此大宗陋規爲履新固有之歟時邑紳舉人湯執任曲江教諭而曲江令某適調署新會問執新政所宜興革執告以大票擾民令奮髯曰弊孰大於此耶抵任後當首廢之比至竟不能罷未幾執歸令就謁執使人責其負約謝不見士論高之君毅視事久稔其害毅然撤除其操守多類此新會號腴缺君毅歷官十年家無餘財每受代寓省邸至質衣物以給在任時於原籍建家祠費絀不能畢工寡媳留居鄉里蕭然如寒家有以事詣其居者爲歎息不置云嘗有士人談嶠以事入謁詢何業以教讀對君毅慨然曰作官大難吾亦將辭職歸從事於斯矣光緒十一年去任旋卒邑人至今思之

包永昌甘肅洮州人光緒己卯甘省始與陝西鄉試分闈永昌掄解首聯捷進士十二年來署縣事清勤嚴毅人不敢干以私布衣糲食不改儒素每見民俗奢靡慨然曰耗費若此何以爲繼矣接見紳富恆以勤儉相勗彭君毅之後民習於寬政永昌糾之以猛豪猾斂跡馭吏役尤不少假借縣隸無所牟利往往私聚詬之卒無如何有棄去爲農者莅事逾年民以大和至以包青天呼之十四年縣境苦旱親詣圭峰龍潭禱雨去蓋步行烈日中攀陟峻險汗涔涔浹衣袂如是累日人謂明丁積以來所未有云是年七月解任去

兵事

粵東形勝通北方之脈絡者曰三江會南道之尾閭者曰下四府扼三江襟喉莫如省城轄下四府走集莫如新會蓋新會陸路西達恩平陽江以至高廉海線出厓門右轉海宴雷瓊千里形援相接然則下四府有警邑境其北道主人矣指粵東而論攻守新會誠省會之輔哉鄉土歷史其兵事起宋厓門之役張世傑南走閩廣經營厓山為死守計亦謂進可以出廣州之衝退可以通高雷之氣耳亦越明代嶺西之寇百峯之盜皆恃恩開陽竊諸邑為窟穴 國初李定國馬雄之兵則自高雷入犯覲先下新會為根據地然後北擾郡城新會一日不陷未敢肆其豕突也屏翰壯則堂奧深經武之圖顧可緩乎今新設電綫由順德新會直達陽江江佛鐵路既成亦將並電杆以達高雷而通商條約江門三水梧州均為內河航路近時輪舶入厓門磨刀門由西江上駛梧肇者華洋旗如織也重要之形較昔倍著矣縣境舊駐參將一員統轄甯開新鶴四邑兵刀尙軍鎮壓內匪猶恐不足遑云外侮前人改建州府之議部格不行迨於今日控制尤亟未雨綢繆之術倘終有賴於是歟輯兵事篇

宋末厓山之役

元世祖至元十五年即宋端宗景炎三年五月以後衛王昺祥興元年六月祥興帝遷於厓山先是帝顯德祐二年元兵入臨安謝太后及少帝上傳國璽降益王是廣王昺自嘉會門出渡浙江而南至溫州蘇劉義陸秀夫來會時陳宜中海船泊清澳門諸人往見之共議興復張世傑自定海至同趨三山至福州五月益王即位於福州改元景炎封弟廣王昺為衛王以陳宜中為左丞相兼樞密使都督諸路軍馬張世傑為樞密副使陸秀夫直學士院文天祥至行都除右丞相時國方草創陳宜中尸其事張世傑專制天祥名宰相徒取充位遂不肯拜議出督乃以為樞密使同都督十一月元兵逼行都陳宜中張世傑備海舟於岸奉帝及廣王楊淑妃等入海至惠州之甲子門駐焉二年正月幸梅蔚山四月次於官宮場六月次古墟九月元將也的迷失人福州帝舟次廣之淺灣元主詔瑒出與李恆呂師夔等以

新會鄉土志

粵東編譯公司承印

步卒入大庾嶺忙兀台峻都蒲壽庚及元帥劉深等以舟師下海追二王帝走秀山陳宜中入占城借兵不反十二月丙子帝至井澳颶風壞舟幾溺死遂成疾元劉深龔井澳張世傑戰却之帝舟遷於謝女峽復入海至九星洋欲往占城不果三年二月次於礮州礮州即大奚山在香港西與州治對隔一水四月戊辰帝崩於礮州殯於香山縣人馬南寶家廟號端宗庚午衛王即位於礮州初帝既崩百官欲散去尙書陸秀夫曰諸君散去可也度宗一子尙在將焉當此古人有一成一旅興者今百官有司軍士且萬餘人若天未絕趙祀豈不可為國耶乃相與奉衛王即位於樞前以秀夫為丞相張世傑太傅文天祥少保是月有黃龍見海中五月癸未朔改元祥興乙酉升礮州為翔龍縣旋自礮州遷厓山止焉厓山在新會縣南八十里鉅海中與湯瓶背山對立奇石在其西如兩扉潮汐所出入也故有鎮成張世傑以為天險可扼以自固乃奉帝移駐入山伐木造行宮三十間軍屋三千間正殿曰慈元楊太妃居之升廣州為祥興府己已有大星東南流墜海中小星千餘隨之聲如雷己卯元發蒙古軍千人從江東宣慰使張宏範由海道追宋餘衆先頒詔諭降張世傑等不從庚辰升廣州為祥龍府八月加文天祥信國公張世傑越國公時天祥移軍船澳在南海縣上表自劾敗兵江西之罪因乞入衛優詔不許九月葬端宗於厓山以觀文殿大學士曾淵子充山陵使陵曰永福祥興二年即元世祖至元十六年正月庚戌張宏範發潮陽港壬戌至厓山圍世傑軍先是文天祥率兵至潮陽趨南嶺宏範兵猝至天祥方飯五坡嶺不及戰遂被執挾之與俱使為書招世傑降天祥不肯甲子元李恆率戰船百二十艘入海與宏範會於厓山宏範獲宋斥候知帝棲厓山之西山南北亘二百里東南枕海西北皆港宏範至山北水淺不通乃由山東而南又西與帝遇帝建宮山麓結巨艦千餘艘下碇海中大索貫之為柵以自固四圍樓櫓如城宏範潛載騎兵登麓焚其宮帝以門艦號快船者樵汲宏範命樂總管為山寨斷其汲路李恆以拔都船當之帝遣兵爭之皆敗去自是樵汲日梗宏範又命樂總管自寨以礮擊帝艦艦堅不動有烏蠻船千艘救帝議於北宏範笑曰此徒取死耳夜擇小舟由港西潛列烏蠻船北徹其兩岸且以戰艦衝之烏蠻皆海民不知戰又不敢援進退失據攻殺屢遣宏範因取烏蠻船載草灌油乘風焚帝艦帝預以泥塗艦懸水筒無數火船至鈎而沃之竟莫能燬宋將周文英日挑戰十

餘次皆為宏範所敗宏範以張世傑其父柔之故卒有罪逃宋索得其甥韓某署萬戶府經歷三遣諭禍福世傑歷數古忠臣曰吾知降生且富貴第為主死不移也宏範與李恆議曰宋船正當海港逐潮水上下宜急攻之不然彼自知力屈恐乘風潮遁去徒費軍力不能成功也遂定計與敵船相直對攻二月壬午宏範夜誓其眾癸未平旦分諸將為四軍恆當帝北諸將分居其南宏範將其一居西南去宋船里許令曰敵東附山潮退必南遁南軍急攻勿失之西北軍期吾樂作乃戰又令曰敵西南艦可受危聞其將左大守之必驍勇也吾其自攻頃之有黑氣出西山微雨滿天宏範曰吉兆也潮退水南瀉恆從北順流衝擊入其陣宋軍多江淮勁卒殊死鬥矢石蔽空至已時奪宋三船日午潮長南面軍復順水勢進攻世傑腹背受敵然戰益力宏範艦布障四匝伏盾作樂宋軍疑元宴而懈宏範以己艦卑於宋且出入艱乃回艦尾抵左大射矢集布障桅索如蝟度其矢盡撤障去盾兵矢火石俱發奪左大艦又與夏御史戰奪七艘宋軍懾去自投水元軍合勢乘之聲震天海宋陸秀夫先沉妻子於水登帝船曰陛下不可再辱抱帝以匹練相束用金繩纏腰問赴水死時宏範操小舟詣恆議事世傑乘間開南壁率十六艦奪港遁去承宣使翟國秀等解甲降尚得海艦八百餘艘浮屍十餘萬帝赴海時御舟畜一白鷗奮擊躑躅哀鳴與籠俱墜水中楊太妃聞帝死撫膺大慟曰我忍死問關至此者為趙氏一塊肉耳今無望矣遂赴海世傑葬之厓山倉卒莫辨其處世傑奔交趾至海陵港遇風艦敗溺死宏範於海中奇石磨厓大書鎮國大將軍張宏範滅宋於此十二字宣慰使司同知白左撰平厓山記銘功而還明成化五年廣東簽事陶魯奏請建祠厓山祀文天祥陸秀夫張世傑賜額大忠宏治五年布政使劉大夏與在籍檢討陳獻章議建全節廟祠楊太妃俱春秋由縣官致祭至今不廢

攷霞路鄉趙氏皋頭鄉林氏二譜載宋末有林獲者字賢輔福建莆田縣人登理宗開慶元年己未進士旋知瓊州景炎中奔赴少帝行在厓山敗欲赴海死宋宗室趙必次止之託以代存己孤請於楊太后以具子良駟良聰付獲獲挈之居陸州鄉後徙北到村恐為邏者所得乃名良駟曰林大奴良聰曰林二奴養為己子撫之成立分田宅與己子等後二趙復本姓移居霞路鄉宗支繁衍而北到林氏轉徵今趙族祠祭必先林氏而後及其先 國朝咸豐

新會鄉土志

粵東編譯公司承印

六年紳耆趙沅英湯九齡等臚叙事蹟稟縣令帖臨藻轉詳司院奉准林獲從祀厓山大忠祠按此事縣志不載謹附記篇後

元末土匪

元英宗至治三年十一月廣州路新會縣民汜長弟作亂廣東副元帥烏馬兒率兵捕之順帝至正二十一年新會縣土寇黃斌攻陷縣治居民俱散縣尹徙治潮居是時廣州兵亂各郡縣多為土寇所據二十五年元使太常卿余觀國招撫諸起兵者嶺路中梗由海道至新會百姓危不自保惟北到甲林文秀能守其鄉觀國褒之曰崇節鄉明太祖洪武元年使湯和提督海運廖永忠為征南將軍朱亮祖副之由海道取廣東四月永忠至廣州捕黃斌等斬之廣州平

明代寇亂

明英宗正統七年新會盜起剽掠鄉村遣指揮朱端知縣陶啓招撫不能息復遣指揮王英進剿擒賊首周義長等繫獄後竟以賄釋由是諸盜益熾十四年大嶺村賊作亂賊首黃汝通起兵應白水洞盜賊五月之間眾至三千餘羣盜岑子華起鐵鑪坑譚保起陂塘黃三起南坑白大蠻起那西人心洶懼計無所出率乘舟出海洋逃竄既而羣盜往陽江諸縣剽劫本境少息避賊者漸次還家四月十二日鎮守安鄉伯張安遣僉事官安知府聶好謙把總指揮席斌領官兵三千餘水陸剿捕宮安屯舟斗峒窩席斌進兵紫霞海時賊首黃三等據大柴烈等山依險立砦席斌等統兵分三哨直抵賊巢賊滾木飛石兵不能進千戶李霖楊盛畏縮不前軍遂敗斌與旗甲那端九人俱被殺僉事官安等得報大懼乃進兵上塘擒賊前後約八百人皆杖殺之黃三等守險不出官軍懲前敗終莫敢進是年八月十八日遇敵各官引還賊遂下山流劫浸不可制矣 是年廣州賊黃蕭養作亂蕭養南海沖鶴堡人以盜繫獄逸出遂反稱順天王僭元東陽圍攻省城流劫新會九月總兵官安鄉伯張安指揮僉事王清俱討賊敗死以參議楊信民為右僉都御史討廣東賊十二月都督同知董興為左副總兵戶部侍郎孟鑑參贊軍務景泰元年正月新會賊周義長李丙區

此為試讀，需要完整PDF請訪問：www.ezread.com